

*** * * NAQQIUT * * ***

Naqqiummi aaqinneqarpoq naggataani ataatsimiititaliamut innersuussiisimanerigaluaq, oqallissaaruteqartoq qutsavigisunngorlugu.

24. maj

UPA 2015/64

Meeqqanut suli atualinngitsunut perorsaanikkut inerikkiartuutaasunik ulluunerani neqerorutit pillugit inatsisartut inatsisaata nr. 16, 3. December 2012- imeersup allanngortineqartariaqarnesoq pillugu apeqquteqaat aallaavigalugu oqallinnissamik siunnersuut. Meeq-qerivinni meeraaqqerivinnilu pisortat allaffissornerujussuarmik suliaqarnerisa oqilisaaffigineqarnissaat qanoq ilillugu oqilisaaffigineqarsinnaava ?

(Inatsisartunut ilaasortaq Anthon Frederiksen, Partii Naleraq)

Siunnersuuteqartoq Anthon Frederiksen Partii Naleraq Siumumiit siunnersuuteqarneranut qujaffigaarput, imatullu siunnersuut oqaaseqarfigissavarput.

Meeqqat siunissaraagut, meeqqallu siunissatsinnut nangitsisussaraagut. Oqaatsit taakku ataasialinngillat maani oqaluttarfimmiit aninneqarmata. Akisussaaffik tamatta inuiaqatigiinni pigaarput. Siumut pingaartippaa meeqqat inuunerissut inuunerminnilu ilorrisimaartut pilersissallugit. Tamatta tamanna ataatsimoorfigisinnaagipput qularinngilara.

Meeraaneq toqqissisimanartoq angerlarsimaffimmiit aallaaveqartuuartuuvoq. Ileqqut naleqartitallu angerlarfimmit pilersinneqartarput. Meeqqeriveqarnerlu ullutsinni pinngitsoorneqarsinnaanngittuni ilaavoq. Tamanna sapinngisamik ajunnginnerpaamik ikorfartuisinnaanera isumalluarfigisutut naatsorsuutigisarpaput. Susasaqartitsineq pamersaanerlu meeqqeriveqarnerup akisussaaffigaa anner-tooq. Taamatullu takusinnaavarput akisussaaffik annertoq pisortap ingerlatarigaa ilisimavarput. Ilinniarsimassutsikkut ataqatigiissaarinissaq pisussaaffiuvoq annertoq. Taamaakkaluartoq paasiar-tuinnarparput sumiginnaaneq akiorniarlugu nukiit akimorlugit suleqatigiinnissarput aatsaat taamak pingaartikkaluttuinnartut ukkakkippat. Tamanna pitsaalluinnartuuvoq. Taamaasilluta qulakkeersinnaalissagatsigu sutigut nukittuffiit atorsinnaasagut qanoq siammartissanerigut. Sanngiiffiillu qanoq pitsannqorsassanerlutigit.

Siunnersuuteqartulli angorusutaa paatsoorneqarsinnaanngilaq. Suliassat qaleriaatiinnalersillugit nalunngereerparput qanoq timikkut piumassutsikkullu innarliisinnaasartiginera qanoq unammilleru-minaatsigilersinnaasartoq. Tamanna peqqinnanngilaq aamma inorsartuarluni sulinissamat kajumis-susermik nassataqalersinnaanngilaq. Allaffissornikkut ilinniarsimasortagut naammassigaangasa arlalippassuit suliffissamik nassaarsinnaaneq ajorput. Ilinniaqquseqalutalu atorfissaqartinngikkut-sigit, taava ajortoqarsimassooq. Taamaappat nalimmassaasoqartariaqarpoq.

Allaffissorneq arlalitsigut suliassartaqartuaannarpoq. Meeqqanulli tunngatillugu isumaqarpoq aam-ma inulernerinermik nassataqartumik sullissisinnaaneq ingerlanneqartariaqartoq. Taamaattumik

Siumumiit isumaqarpugut periutsit suut pitsaasut atorlugit ingerlatsineq ineriartortinneqarsinnaanersoq ilanngullugu eqqumaffigineqartariaqartoq. Tamatumunngalu ilangullungu Siumumiit kissaatigaarput isumaginninikkut ilinniarnermi periarfissat suut ullumikkut periarfissaanersut ersarinnerusumik Naalakkersuisut suliniumminni nassuiaateqarfiginerusariaqaraat.

Minikkusunngilarput ilanngullugu eqqaassallugu Kommunit ullumikkut aningaasatigut qanoq inissisimanerat ilungersunartiginera qiviassallugu. Siunnersuut taperserneqassappat aningaasatigut qanoq naleqarsinnaassusia aamma qiviarneqaqqaartariaqarpoq. Artukkeereerluta kivissinnaangisatsinnik sapiisersinnaangilagut.

Taamatut oqaaseqarluta oqallissaaruteqartoq qujaffigissavarput.

Laura Táunâjik

Siumut